

Apòkrifë – 14 (Piãc chlebów)

Piãc chlebów  
I dwie rëbë  
Wzjął, przeżegnôł  
Wezdrzôł w niebò  
A dzielił i dôwôł lëdztwù  
Piãc tësący chłopa zmùmlalë  
A białczy i dzecë  
Tëż sã przë tim ùżëwiłë...

Narôz z Galilejszczégò Jezora  
Przëjachalë słuźbòwim bôtã  
Skarbòwi ùrządnicë...  
I nawetkã celnik Mateùsz  
Bël w sprawie za krótczi...

Żëdowsczi sąd zarządył  
Sztrôfã za rozdôwanie netto jôdë  
Remùs szedł do kòscersczi sôdzë  
A Gnioła dostôł leszczenowim szligã...

Tómk Fópka, Jantar, 14 stëcznika 2023 rokù, gòdz. 6.40 p.p.